

ZAPISNIK

sa 19. sjednice Upravnog odbora
Skijaškog/Smučarskog saveza Bosne i Hercegovine, održane 21.06.2017. godine u 17.00 sati
u prostorijama Ski saveza BiH u Sarajevu

Prisutni: Đelal Hasečić, Miro Đukić, Mario Laikert, Milovan Jevtović, Jasmin Mehić, Radenko Pekić, Kenan Jažić, Vladimir Lučić i Muris Pozderac članovi Upravnog odbora, Jelena Dojčinović Generalni sekretar.

Odsutni: Zdravko Lasica i Ismar Biogradlić

Đelal Hasečić se zahvalio prisutnima na dolazak hitne sjednice i predložio da se tačke 3., 4. i 5. vode pod jednom raspravom.

Radenko Pekić je predložio da dnevni red ide sljedećim redoslijedom:

1. Usvajanje zapisnika sa 18. sjednice Upravnog odbora;
2. Odgovor članu UO Mariu Laikert
3. Materijal za sjednicu je trebao proći kroz Alpsku komisiju

Ostale tačke idu svojim redoslijedom.

S obzirom da su prijedlozi nejasno definisani Hasečić je predložio da se držimo dnevnog reda kako je i predloženo. Svi prisutni su usvojili dnevni red kako slijedi:

DNEVNI RED:

1. Usvajanje zapisnika sa 18. sjednice Upravnog odbora;
2. Kriteriji za izbor reprezentacija, njihovo definisanje i utvrđivanje broja članova pojedinih reprezentacija
3. Razmatranje i usvajanje prijedloga Alpske komisije za raspodjelu sredstava unutar odobrenog budžeta
4. Utvrđivanje potrebnog broja reprezentativnih trenera alpskog skijanja i period njihovog angažmana
5. Izbor trenera reprezentacije
6. Razno

Mario Laikert se prije prve tačke dnevnog reda obratio prisutnima sa objašnjenjem za proteklu sjednicu gdje nije bilo kvoruma. Istakao je da je nekorektno od Vlade Lučić i Radenka Pekić da se na sastanku jedno dogovori i usaglasi a poslije da se mjenja mišljenje. Iz tog razloga se ova hitna sjednica i sazvala iako je dogovoreno sve na prethodnom sastanku. Radenko Pekić je rekao da ima potrebu da brani instituciju UO, pa tako naveo da nije u redu da sjednicu otvara Jasmin Mehić već je to trebao uraditi predsjedavajući koji je u tom slučaju bio Mario Laikert. Dalje je Pekić naveo da na sastanku koji je održan 14.06.2017. nije bilo predviđeno razmatranje izbora trenera reprezentacija. Tog datuma je trebala da se održi tematska sjednica, gdje gospodin Laikert iznosi neistinu da nemamo niti jednog člana reprezentacije. Naglasio je da je danas prvi put vidio ko se prijavio na konkurs za trenera, te prijedlog raspodjele sredstava unutar Alpske komisije te ne vidi šta je sporno što su on i Vlado Lučić nakon tematske sjednice tražili održavanje hitne sjednice Upravnog odbora.

Hasečić je zatim zatvorio raspravu po ovom pitanju te krenuo sa tačkama dnevnog reda.

Ad. 1.

Zapisnik sa 18. sjednice je jednoglasno usvojen.

Ad.2.

Uvodnu riječ je dala Jelena Dojčinović koja je i pripremila materijal a prema uputama Radenka Pekić i Vladimira Lučić koji su i tražili ovu sjednicu. Kriteriji za izbor reprezentacije su prikazani koji su na snazi te je dat pregled svih takmičara, sa objašnjenjima gdje prema kriterijima koji takmičar spada kao i lista takmičara aktivnih i neaktivnih. Dojčinović je rekla da nema potrebe dodatno obrazlagati navedene kriterije koji su usvojeni od strane ovog saziva UO i koji su još uvijek na snazi.

Vladimir Lučić je rekao da kada je u pitanju Pravilnik o reprezentacijama UO donio izmjene samo kod kriterija dok je ostali dio ostalo nepromjenjen. Zatim se dotakao člana 23. Izboru Juniorske reprezentacije u kojem se navode kriteriji za izbor u reprezentaciju gdje između ostalog stoji i jedan junior i juniorka koji su nakon prve godine u programu FIS imali najbolje bodove. Dojčinović je rekla da je to stari pravilnik iz 2011. godine, te da je nakon toga usvojen novi pravilnik. Vladimir Lučić smatra da treba ići nekim redom a to je da se odrede reprezentacije, predloži raspodjela sredstava prema istim, odabere trener što je i bio cilj sazivanja hitne sjednice. Dojčinović je zatim u arhivi pronašla izmjene pravilnika koje su usvojene na 8. sjednici UO. Vladi Lučić je sporno tumačenje pravilnika jer bi prema članu 23. Maja Tadić i Vedran Selak trebali biti članovi Juniorske reprezentacije a prema kriterijima trenutnim oni to danas nisu. Zatim se u raspravu uključio i Jasmin Mehić koji je rekao da nije sporno da se pridržavamo člana 23. ako će se retroaktivno priznati greška primjene pravilnika i isplatiti odšteta svim takmičarima, na što je Hasečić rekao da to nije moguće. Zatim je Mehić naglasio da je nekorektno da gospode Pekić i Lučić da glasaju za nešto a zatim povuku iste, te da je UO imenovao njega za koordinatora Alpskog skijanja pa je samim tim i vodio sastanak odnosno tematsku sjednicu Alpskog skijanja što je bilo sporno gospodinu Pekić. Nakon duže rasprave Hasečić je rekao da su kriteriji jasni ali da je ostalo nejasno da li član 23. ostaje na snazi ili ne. Zaključeno je jednoglasno da se u narednom periodu pripremi novi prijedlog teksta Pravilnika kako bi bio jasniji i lakše primjenjiv.

Miro Đukić je postavio pitanje ko trenutno zadovoljava kriterije da bude u Juniorskoj reprezentaciji. Jasmin Mehić je rekao da prema trenutno važećem pravilniku i kriterijima za što se on lično godinama bori da se to promjeni u Juniorskoj reprezentaciju su 4 takmičara koja prelaze iz Dječije kategorije kao najbolja dva odnosno dva prvoplasirana u ukupnom poretku. Jasmin je naglasio da se on zalaže za to da se poveća broj Juniora kako bi imali što bolju bazu, a ne da nakon prve sezone ostajemo bez istih. Miro Đukić je zatim rekao da su se svi složili da je Maja Tadić talentovana takmičara a da trenutno nije u Juniorskoj reprezentaciji i da to nije u redu. Cilj tematske sjednice i jeste bio da se da prilika Juniorima koji žele da skijaju po planu i programu Saveza koji će im se dopuniti naglasila je Dojčinović.

Nakon duže rasprave oko pravilnika o reprezentacijama i statusa Juniorsskih reprezentativaca Hasečić je predložio da se prođe materijal odnosno upitnik koji je pripremio Jasmin Mehić. Jasmin Mehić je obrazložio da je upitnik napravljen u četiri segmenta prema kojem bi riješili dosta stvari kada je u pitanju alpsko skijanje, te je predložio da se ide pitanje po pitanje i za isto glasa, što je usvojeno.

1. Reprezentacija:

1.1. Imenovanje trenera A/B reprezentacije:

Na osnovu prijava na objavljeni konkurs imamo prijavu Nedžada Mirojevića na mjesto glavnog trenera. Da li prihvatamo imenovanje na ovu poziciju.

1.2. Odnosi u reprezentaciji:

Na osnovu navoda nekih roditelja da je narušen odnos između članova reprezentacije, ukoliko trener Mirojević dobije povjerenje za naredni mandat od njega se traži da u pripremnom periodu unese ponovno povjerenje unutar tima. Ovdje se očekuje da u prvih 4 mjeseca zadobije povjerenje takmičara.

GLASANJE:

Jednoglasno usvojeno da se Nedžad Mirojević imenuje za trenera A i B reprezentacije, sa mogućnošću prekida ugovora ukoliko ne opravda povjerenje UO. Neto iznos 1.500 KM

1.3 Ugovori sa takmičarima:

Od svih takmičara iz A/B tima očekujemo da analiziraju i prihvate predloženi plan i program. Ukoliko takmičari izraze želju da nastave rad po ovom programu očekujemo da potpišu ugovor sa savezom o prihvatanju pravila rada saveza. Ukoliko ne potpišu takmičari nemaju pravo korištenja resursa saveza.

GLASANJE:

Jednoglasno usvojeno

1.4. Participacija:

Od takmičara iz A/B tima se očekuje godišnja participacija za učešće u programu: 500 EUR za cjelogodišnji program. U okviru ovih sredstava takmičarima će biti plaćeni troškovi priprema po usvojenom planu i programu, kao i nastupi na takmičenjima u skladu sa planom glavnog trenera. Pored ovih troškova takmičari snose: troškove opreme, troškove karata i startarina na takmičenjima, kao i troškove transporta ukoliko ne koriste zvanični prevoz reprezentacije.

GLASANJE:

**Mario Laikert – suzdržan
Ostali članovi za**

1.5. Fizička sprema i testiranje:

Takmičari će imati testiranje fizičke spreme 3 puta u sezoni: inicijalno, tranzitivno i finalno testiranje. Inicijalno testiranje će se izvršiti u mjesecu junu i na osnovu ovog testiranja takmičari će dobiti razrađen plan i program. Plan i program mogu pratiti samostalno ili u radu sa glavnim trenerom. Tranzitivno testiranje će se izvršiti u septembru i bit će eliminatorno za nastavak praćenja plana i programa priprema, dok će se finalno testiranje izvršiti u decembru i bit će eliminatorno za praćenje programa takmičenja.

1.6. Trošak testiranja:

Sva testiranja će se provesti u saradnji sa Fakultetom za Sport i pod direktnim nadzorom profesora Siniše Kovača. Trošak testiranja i razvoja plana i programa fizičkih priprema iznosi 350 KM po takmičaru za sezonu.

1.7. Nastupi na domaćim takmičenjima:

Članovi A/B reprezentacije obavezni su nastupiti na svim domaćim takmičenjima. U iznimnim situacijama, zbog bolesti ili velikih troškova puta takmičari mogu uložiti molbu za odsustvom alpskoj komisiji.

1.8. Neaktivni takmičari:

Takmičari koji ne potpišu ugovor, koji ne učestvuju u participaciji i koji ne budu pristupni na testiranjima fizičke spreme, kao ni u pripremnom periodu nemaju pravo nastupa na velikim takmičenjima.

GLASANJE:

Jednoglasno usvojene tačke 1.5 – 1.8

2. Juniorska reprezentacija:

2.1. Formiranje reprezentacije:

Na osnovu obračuna prihoda od strane FISa vidljivo je da se nastoji raditi na masovnosti skijanja. Sa druge strane u našem trenutnom sistemu rada mi juniorima dajemo priliku da se dokažu u samo jednoj sezoni. Ukoliko ne ostvare min broj bodova (80), juniori u potpunosti ispadaju iz programa i u većini slučajeva napuštaju skijanje. Prijedlog je da se formira juniorska selekcija koja će za cilj imati: razvoj najboljih juniorskih skijaša i omasovljenje juniorskog skijanja.

GLASANJE:

Jasmin Mehić je dodatno pojasnio da je neophodno da Savez formira Juniorski tim bez obzira na postojeći pravilnik. Hasečić je rekao da ostaje mogućnost da ukoliko neko od juniora ostvari normu za A ili B reprezentaciju automatski postaje član te reprezentacije.

Vlado Lučić je odgovorio Jasminu da Maja Tadić ne zaostaje za Elvedinom Muzaferija 15 sekundi što je naveo, te traži da se striktno uvaži član 23. Pravilnika i da Maja Tadić i Vedran Selak moraju biti članovi Juniorske reprezentacije. Hasečić je shvatio da u ovom timu su ustvari dva tima oni koji ulaze iz dječije reprezentacije i oni koji već imaju FI Sbodove. Jasmin Mehić je rekao da UO treba da donese odluku da li će se formirati Juniorski tim, a da Alpska komisija dalje treba da razradi na koji način i pod kojim uslovima.

Pekić je tražio da na prijedlog SK Banja Luka Davud Dujaković treba da bude razmatran za reprezentaciju i da se ne izostavlja. Dojčinović je rekla da on nije izostavljen ali nije nastupao na našim takmičenjima te nije ostavriovao bodove. Također je rekla da on živi van BiH, ali i da kada je u pitanju formiranje Juniorskog tima ništa nije završeno već je sami početak tog procesa.

Pekić je također pitao za Žanu Novaković. Dojčinović je rekla da Žana nije navedena u materijalu za radni sastanak kao ni Marko Rudić jer ne ispunjavaju uslove ni za A ni za B reprezentaciju. Također nisu ni Juniori. Nakon kraće rasprave

Jednoglasno usvojena tačka 2.1.

Imenovanje trenera:

osnovu prijava na objavljeni konkurs imamo prijavu Almira Buže na mjesto trenera. Da li prihvatamo novanje na ovu poziciju.

2.3. Rok imenovanja:

Obzirom na raspoloživost sredstava od trenera se očekuje adekvatan plan i program za ljetni, pripremni i takmičarski period. Period imenovanja bi bio na max 8 mjeseci.

GLASANJE:

Jasmin Mehić je rekao da UO treba da imenuje trenera a ne alpska komisija jer je Bužo Almir član Alpske komisije. A nakon imenovanja trener treba da dostavi plan i program alpskoj komisiji. Lučić je postavio pitanje da li Savez ima novca da imenuje trenera? Hasečić je rekao da ćemo nakon ovog upitnika raspravljati o finansijskim sredstvima.

Jednoglasno usvojeno

2.4. Ugovori sa takmičarima:

Od svih takmičara očekujemo da analiziraju i prihvate predloženi plan i program. Ukoliko takmičare izraze želju da nastave rad po ovom programu očekujemo da potpisu ugovor sa savezom o prihvatanju pravila rada saveza. Ukoliko ne potpišu takmičari nemaju pravo korištenja resursa saveza.

2.5 Participacija:

Ovisno od bodovnog stanja takmičara napraviti će se 3 selekcije, koje će se razlikovati po iznosu participacije i koji će imati različit plan i program rada. U juniorskim selekcijama resursi saveza će prvenstveno biti usmjereni na angažman trenera i privremeni angažman vozila za potrebe ovog tima. Ukoliko trener ne bude osigurao dovoljan broj takmičara koji će participirati u troškovima programa UO će program ugasiti ili privremeno obustaviti.

GLASANJE:

Jasmin Mehić je ukratko obrazložio tačku 2.5. Na treneru će biti teret da obrazloži plan i program prije izjašnjenja takmičara. Potrebno je organizovati zajednički roditeljski sastanak.

Jednoglasno usvojeno

2.6. Fizička sprema i testiranje:

Takmičari će imati testiranje fizičke sprema 3 puta u sezoni: inicijalno, tranzitivno i finalno testiranje. Inicijalno testiranje će se izvršiti u mjesecu junu i na osnovu ovog testiranja takmičari će dobiti razrađen plan i program. Plan i program mogu pratiti samostalno ili u radu sa glavnim trenerom. Tranzitivno testiranje će se izvršiti u septembru i bit će eliminatorno za nastavak praćenja plana i programa priprema, dok će se finalno testiranje izvršiti u decembru i bit će eliminatorno za praćenje programa takmičenja.

2.7. Trošak testiranja:

Sva testiranja će se sprovesti direktno od strane glavnog trenera i trenera juniorske reprezentacije i neće podlijezati dodatnim troškovima. U iznimnim slučajevima takmičarima će biti preporučena dodatna testiranja, ali će sami morati snositi troškove. sva dodatna testiranja neće biti eliminatorna.

2.8. Nastupi na domaćim takmičenjima:

Članovi reprezentacije obavezni su nastupiti na svim domaćim takmičenjima. U iznimnim situacijama, zbog bolesti ili velikih troškova puta takmičari mogu uložiti molbu za odsustvom alpskoj komisiji.

2.9. Saradnja sa glavnim trenerom:

Juniorska reprezentacija će se smatrati dijelom glavne reprezentacije i oba trenera će usko saradivati i ukoliko je moguće dijeliti sve raspoložive resurse.

GLASANJE:

Tačke 2.6 – 2.9. jednoglasno usvojene

3. Ženska reprezentacija:

3.1. Formiranje reprezentacije:

U trenutnoj situaciji imamo samo jednu takmičarku koja zadovoljava normu za A reprezentaciju. Obzirom na mali broj takmičara savez u ovoj fazi ne predlaže puni angažman trenera za žensku reprezentaciju.

3.2. Pripremni period:

Smatramo da takmičarka može u potpunosti pratiti pripremni period sa ostalim članovima A/B reprezentacije.

GLASANJE:

Jednoglasno usvojeno

3.3. Imenovanje trenera za takmičarski period:

U toku takmičarskog perioda glavni trener ne može pratiti žensku reprezentaciju. Program takmičenja je u potpunosti razdvojen. Kada govorimo o konkretnoj takmičarki, Elvedini Muzaferiji, ona je izrazila želju da radi sa privatnim trenerom. U tom radu su pokazali kvalitet i rezultate. Na upit Elvedine Muzaferije da njen privatni trener bude imenovan i glavnim trenerom ženske reprezentacije za takmičarski period, i to u periodu kada Elvedina bude imala status najbolje skijašice po bodovima.

GLASANJE:

Jasmin Mehić je obrazložio tačku 3.3. ponovivši da glavni trener Nedžad Mirojević ne može u takmičarskom periodu pratiti i Elvedinu pored muškaraca. Pekić je predložio da se sa ovim sačeka dok ne vidimo da li će se formirati Juniorski tim pa da možemo vidjeti gdje se šta i ko može uklapati. Mehić je rekao da trener juniorskog tima ne može pratiti Elvedinu. Također je rekao da postoji velika odgovornost stručnosti trenera s obzirom da Elvedina vozi brze discipline. Vlado Lučić je rekao mi ne treba da podrazumjevamo Rejmona trenerom ženske reprezentacije te se ne slaže da se sada razgovara o treneru ženske reprezentacije. Jasmin Mehić je rekao da nikad ne trebamo dozvoliti takmičaru da bira trenere ali u ovom slučaju Elvedina je jedina u A reprezentaciji i mi nemožemo njoj ponuditi boljeg trenera. Pekić je ponovo predložio da se sa ovim sačeka, jer nemamo sredstava za to. Nakon kraće rasprave Hasečić je rekao da je evidentno da smo se složili da se ne angažuje trener ženske reprezentacije, ali da trebamo procjeniti na koji način treba da pomognemo Elvedini. Jasmin Mehić je rekao da mi ne trebamo pomagati Elvedinu već treba da nadjemo rješenje za nju kada su u pitanju velika takmičenja. Jasmin Mehić je kao dodatno obrazloženje rekao da Rejmona kao trenera ne bi plaćao Savez, već bi obaveza bila samo troškovi puta i smještaja na takmičenjima. Lučić je rekao da je to u redu ali samo uz odobrenje glavnog trenera reprezentacije.

Jednoglasno usvojeno da Rejmona Horo ne angažuje Savez ali da će u takmičarskom periodu pokriti troškove puta i smještaja za istog.

3.4. Pomoćni trener: Elvedina Muzaferija je ponudila da njen privatni trener u pripremnom periodu bude i pomoćni trener Nedžaju Mirojeviću, bez bilo kakve naknade. Od saveza se očekuje samo saglasnost za putovanje kombijem i boravak sa zvaničnim timom A/B reprezentacije.

GLASANJE:

Jednoglasno usvojeno da Rejmon Horo kao trener Elvedine Muzaferija može u pripremnom periodu koristiti prevoz reprezentacije te pružiti podršku glavnom treneru reprezentacije.

4. Alpska komisija:

4.1. Izmjene u sastavu AK:

Zbog trenutnog broja članova koji nije u skladu sa statutom predlaže se smanjenje broja članova na 5.

GLASANJE:

Jednoglasno usvojeno

4.2. Izmjene u imenima:

u slučaju imenovanja Nedžada Mirojevića i Almira Buže predlaže se izmjena imena u AK, gdje zvanični treneri ne mogu biti aktivni članovi AK:

GLASANJE:

Jednoglasno usvojeno uz zaključak da Federalni savez treba da imenuje jednog člana Alpske komisije.

4.3. Izmjene u nadležnostima:

Alpska komisija treba da ima aktivnu ulogu u radu, a ne da bude isključivo glasačko tijelo, koje zastupa pojedinačne interese. S tim u vezi predlažem imenovanje članova AK po segmentima:

- A/B reprezentacija:
- Juniorska reprezentacija:
- Dječija reprezentacija:
- Takmičenja:
- Edukacije i razvoj trenerskog kadra:

U ovakvoj postavci bi svaki član AK imao nadležnost za jedan od segmenata i svoje prijedloge bi iznosio na glasanje prema ostalim članovima. istovremeno bi bio i odgovoran za procenje rezultata i prijedloge razvoja svakog od segmenata.

GLASANJE:

Jasmin Mehić je kratko obrazložio nadležnosti. Trenutno je situacija da od 5-6 članova sav teret rada spadne na dva čovjeka što je veliki obim posla. Iz tog razloga je predloženo da se nadležnosti rada unutar alpske komisije podijele.

Jednoglasno usvojeno.

4.4. Imenovanja:

Od krucijalnog je značaja da svi članovi AK budu stručna lica.

GLASANJE:

Jednoglasno usvojeno

4.5. Sankcionisanje nestručnosti i nepotizma:

U toku protekle godine jedan od članova AK je glasao uz obrazloženje: "da je morao tako glasati, jer je prijatelj sa osobom za koju je dao glas i to je dovoljno da se zalaže za tu osobu." Da li podržavamo ostanak ovog člana u AK.

GLASANJE:

O ovome se ne može raspravljati jer entitetski savezi daju prijedloge i delegiraju članove komisije naveo je Pekić i Lučić. Lučić također smatra da je ovo izvučeno iz konteksta i da treba dati šansu s obzirom da je tek imenovan za člana komisije.

4.6. Trošak rada AK:

Evidentno je da rad u AK zahtjeva velika odricanja i ukoliko tražimo kvalitet rada i odgovornost nameće se pitanje naknade. U trenutnoj situaciji ne predlažem direktnu naknadu članovima AK, ali predlažem ovlaštenje predsjednika AK da se može baviti aktivnostima vezanim za marketing i promociju alpskog skijanja. Predsjednik i članovi AK mogu raditi na pisanju projekata ili traženju drugih komercijalnih sponzora za alpsko skijanje, a sve u skladu sa odobrenjem UO.

4.7. Naknada za AK:

U slučaju ostvarenja prihoda kroz projekte ili komercijalne ugovore predlažem da donosiocu projekta bude isplaćen iznos od 50% nakon odbijenih troškova projekta. Svi projekti moraju biti unaprijed odobreni i usaglašeni sa UO.

GLASANJE:

Jasmin Mehić je kratko obrazložio da već određeni period članovi traže naknadu ali da mi to ne možemo podnijeti. Ovaj prijedlog je samo da ih se stimulise i da ukoliko žele naknadu moraju i donijeti sredstva. Hasečić ne vidi nikakvu smetnju u ovom prijedlogu i da je to sasvim pošteno jer su oni stručni ljudi i vjerovatno mogu doći do određenih sponzora. Muris Pozderac se ne slaže da im se da bilo kakva naknada jer ni članovi UO nemaju nikakvu naknadu. Oni ne mogu kao slobodni strijelci raditi već to mora biti u saradnji sa Savezom i ne slaže se da bude 50% već da je to manji iznos 20%. Miro Đukić je rekao da Savez ima pravilnik i da treba da se pogleda te da se radi u skladu sa pravilnikom dok se ne izvrše izmjene ukoliko je to potrebno. Pekić je predložio da Jasmin Mehić kao koordinator alpskog skijanja prisustvuje narednoj sjednici Alpske komisije i uvede ih u novi način rada te predstavi prijedlog da članovi mogu dobiti određeni postotak ukoliko pronađu dodatna sredstva.

Jednoglasno je usvojeno da imaju pravo prema postojećem pravilniku dobiti proviziju na odobrene sponzorske ugovore i dodatna finansijska sredstva.

4.8. Utrošak sredstava:

Kao imperativ se nameće ulaganje sredstava u skladu sa očekivanjima ugovorne strane, kao i ispunjenje svih ugovornih obaveza, prije bilo kakvog razmatranja isplate članovima AK. Nakon usvojenog izvještaja i opravdanih sredstava UO će odobriti za isplatu.

GLASANJE:

Jednoglasno usvojeno.

5. Uloga saveza u organizaciji takmičenja

5.1. Kalendar takmičenja

U cilju zaštite interesa saveza i promocije skijanja Savez treba da preuzme aktivniju ulogu u kreiranju kalendara takmičenja, tj u skladu sa međunarodnim trkama, raspoloživim datumima i naboljim interesom saveza potrebno je da savez da prijedloge datuma takmičenja.

5.2. Evaluacija takmičenja:

Član AK koji bi bio zadužen za takmičenja bi imao ulogu koordinatora svih takmičenja. Po završetku trke ova osoba bi ujedno napravila internu ocjenu organizatora i dala prijedlog za eventualnim unapređenjima ili pak nemogućnosti ovog organizatora da organizuje trke. Na ovaj način bi smo sami sebi postavili zadatak da naše trke imaju veći kvalitet i značaj.

5.3. Formiranje radne grupe:

U cilju smanjenja broja grešaka predlažemo potpisivanje ugovora sa radnom grupom za mjerenje i ključne pozicije u organizaciji svih takmičenja. Umjesto dosadašnje finansijske podrške koju su dobivali klubovi direktno Savez bi preuzeo djelomičnu ulogu sufinansiranja radne grupe. Troškovi sufinansiranja radne grupe bi bili okvirno isti kao i dosadašnje sufinansiranje klubova. Sva zvanična takmičenja bi morala prihvatiti rad ovog tijela.

GLASANJE:

Jasmin Mehić je rekao da je veliki problem što često mjenjamo termine FIS takmičenja i da je to razlog zašto druge zemlje ne mogu da se oslone na ustaljene termine. Potreban je kontinuitet u datumima sa takmičenjima. Lučić se slaže sa tačkom 5.1. i da je to i do sada bio slučaj gdje je sekretar pokušavao usaglasiti maksimalno datume sa zemljama u regionu kako bi privukli što veći broj takmičara. Naravno često imamo problema sa vremenskim uslovima pa smo primorani da trke pomjeramo ili otkazujemo. Kada je u pitanju evaluacija takmičenja Lučić smatra da je Tehnički delegat zadužen za procjenu tehničke organizacije te da je to sasvim dovoljno. Jasmin Mehić je rekao da TD daje procjenu od starta do cilja, a d aje ovo prijedlog da se prati šira slika trke od najave do proglašenja pobjednika. Također zaključak UO sa jedne od sjednica je da uvijek neko prisustvuje neko od članova komisije na trkama.

Lučić je protiv tačke 5.3. jer je teško izvodiva. Đukić se slaže sa mišljenjem. Jasmin Mehić je rekao da je o ovome već bilo razgovora i da se može i u budućnosti razmatrati. Pekić je rekao da je ovdje stavr opreme, ako Savez ima opremu onda to nije problem. SPD Jahorina ima svoje mjerenje koje je prošle godine bilo u kvaru ali se nada da će se do iduće sezone ista popraviti. Džano sa svojim timom vrlo dobro obavlja svoj posao. O ovome se nije dalo raspravljalo, jer problem sastavljanje ekipe.

Jednoglasno usvojena tačka 5.1. i 5.2.

6. Formiranje reprezentacije za EYOF

6.1. Formiranje tima za EYOF 2019

Potrebno je formirati tim takmičara koji bi mogli uzeti učešće na EYOFu 2019 godine. U cilju priprema ovih takmičara predlažemo da se napravi projekat priprema i finansiranja. Smatramo da je potrebna podrška OK i EYOFa u pripremi takmičara i predlažemo da se plan i program finansira sa 4 strane:

- 25% savez
- 15% takmičari
- 60% OK i EYOF

6.2. EYOF tim:

Ovaj tim bi imao status privremenog tijela i takmičari bi ostali članovi klubova i dječijih reprezentacija ali bi smo kroz povećan angažman pokušali ovim takmičarima pružiti bolje uslove i bolju pripremu za nastup na EYOF 2019

GLASANJE:

Jasmin Mehić je rekao da ovdje prvo trebamo utvrditi da li Savez može ovo finansirati. Hasečić je rekao da smo mi već predložili što je i u svojoj da svaki sport pri budžetiranju odvoji sredstva za EYOF pripreme takmičara. Miro Đukić je rekao da ovo treba da se usvoji za sva četiri sporta jer ne smijemo doći u situaciju da se brukamo i da nemamo predstavnika. Dojčinović je rekla da su komisije već dostavile spiskove potencijalnih kandidata ali da se treba raditi na tome da se takmičari pripremaju na organizovaniji način i uz finansijsku podršku.

Jasmin Mehić kao direktor sporta pri EYOF-u rekao da je svakako u pripremi sastanci sa savezima. Budžet koji je odobren od strane grada i on je isključivo organizacioni budžet i nije za sport. EYOF nema obavezu pripremi takmičara ali može biti aktivan član pri pronalasku sredstava.

Pekić je rekao da u pripremnom periodu treba dati šansu svim takmičarima a da u takmičarskoj sezoni praviti eliminacije i posvetiti se ostatak vremena samo za najbolje.

Jednoglasno usvojeno

Ad. 3.

Prijedlog raspodjele finansijskih sredstava unutar Alpskog skijanja je predložila Jelena Dojčinović, a po usvajanju odluke Skupštine od 117.000 KM. Odmah na početku se raspravljalo o visini plate za Almira Bužo ukoliko se formira Juniorska reprezentacija. Mehić je rekao da ne bi trebala da bude ista kao i glavnog trenera. Prijedlog je da bude 1.000 KM neto. Jednoglasno je usvojen prijedlog.

Dojčinović je rekla da su treneri dostavili troškove koji nisu realni i teško je po njima ići.

Jasmin Mehić smatra da najveće iskustvo u raspodjeli budžeta ima Jelena i da ona treba sa Alpskom komisijom da prođe kroz raspodjelu sredstava. Dojčinović je rekla da kada su u pitanju Juniori oni se svakako neće finansirati 100% od saveza već će ići doplata od strane takmičara.

Lučić je rekao da su sredstva za Dječiju reprezentaciju previsoka u odnosu na Juniorsku te je također naglasio da nikad neće biti za to da se smanjuje finansijska podrška tehničkim organizatorima. Pekić je predložio da se ova tačka razmatra na sljedećoj sjednici UO. Jednoglasno usvojen prijedlog.

Dojčinović je tražila odobrenje UO s obzirom da kasne pripreme A i B reprezentacije te da treba da krenu u trenažni proces. Jednoglasno usvojeno.

Ad. 4.

Ova tačka je razmatrana kroz upitnik koji je sastavni dio tačke 3.

Ad.5.

Ova tačka je razmatrana kroz upitnik koji je sastavni dio tačke 3.

Ad. 6.

- Pod tačkom razno Dojčinović je iznjela prijedlog Jevtović Milovana da se odobri kombi Ski saveza za potrebe odlaska na kamp u Trebinje. Razlog molbe je što je kombi SK Sarajevo-Istočno Sarajevo u kvaru. Jednoglasno odobreno korištenje kombi vozila.

Hasečić se je na kraju sjednice zahvalio svima na kreativnom radu a posebno Jasminu Mehić koji je napravio upitnik, a i ostalima koji su doprinjeli održavanju tematske sjednice.

Sjednica je završena u 19.20 sati.

Originalni materijali sa sjednice Upravnog odbora Ski saveza BiH prilažu se primjerku Zapisnika koji se odlaže u arhivu Ski saveza BiH.

Sarajevo,
21.06.2017.

Zapisnik vodila
Jelena Dojčinović

Predsjednik
Đelal Hasečić